

आकाशवाणीखबरां

1. बिहार दे मुखबमंत्री नीतीश कुमार होरें राज्यसभा सदस्य दे तौर पर संगंध लैती।
2. राष्ट्रपति द्रौपदी मुर्मू होरें साबका राज्यसभा उपाध्यक्ष हरिवंश होरें गी उप्परलै सदन लेई मनोनीत कीता।
3. बीजेपी नै पच्छिम बंगाल चुनां लेई अपना घोशणा पत्र जारी कीता, राज्य च सरकार दे 6 महीनें दे अंदर समान नागरिक संहिता लागू करने दा वादा कीता।
4. महाभियोग प्रक्रिया दे चलदे न्यामूर्ति यशवंत वर्मा होरें इलाहाबाद उच्च न्यायालय दे न्याधीश पद थमां इस्तीफा देई दित्ता।
5. भारत ते अमरीका पैक्स सिलिका तैहत सहयोग बढ़ाने ते व्यापक आर्थिक ते तकनीकी सरबन्धें गी मजबूत करने पर सहमत होए।
6. आई.पी.एल क्रिकेट च राजस्थान रायल्स अज्ज संझा गुवाहाटी च रायल चैलेंजर्स बेंगलुरु खलाफ खेडोग।

<><><><><>

Nitish-RS Oath

बिहार दे जदयू प्रमुख नीतीश कुमार होरें अज्ज राज्यसभा सदस्य दे रूप च शपथ लैती। उपराष्ट्रपति ते राज्यसभा सभापति सी.पी.राधाकृष्णन होरें संसद भवन च श्री कुमार होरें गी शपथ दोआई। इस मौके पर राज्यसभा दे नेता जे.पी.नड्डा, वित्त मंत्री निर्मला सीतारमण, मच्छी पालन, पशुपालन ते डेयरी पालन, पशुपालन ते डेयरी मंत्री राजीव रंजन, संसदीय कार्य राज्यमंत्री अर्जुन राम मेघवाल, कांग्रेस नेता जयराम रमेश, बिहार दे उपमुख्यमंत्री सम्राट चौधरी सने होरनें व्यक्ति बी उपस्थित हे।

<><><><><>

Prez. RS

राष्ट्रपति द्रौपदी मुर्मू होरें राज्यसभा दे साबका उपसभापति हरिवंश होरें गी राज्यसभा सदस्य दे रूपै च मनोनीत कीता ऐ। हरिवंश हुंदा कार्यकाल कल खत्म होआरदा ऐ। भारत दे साबका न्यायाधीश रंजन गोगोई हुंदी सेवानिवृत्ति दे बाद राज्यसभा च इक सीट खाली होई ही जेदे बाद हरिवंश होरें गी राज्यसभा सदस्य दे रूपै च मनोनीत कीता गेआ ऐ।

<><><><><>

Self-Enumeration

जनगणना 2027 दे पैहले गेढ़ च हुनै तगर 5 लख 72 जहार शा मते परोआरें आपूं अपना नां दर्ज कराया ऐ। भारत दे रजिस्ट्रार जनरल होरें आखेआ जे एह जनगणना दा पैहला गेढ़ पैहली अप्रेल गी शुरू होआ हा। अपना नां आपूं दर्ज कराने दी प्रक्रिया 15 अप्रैल तगर जारी रौहग। एह सुविधा मौजूदा समें च 11 राज्यें ते केंद्र शासित प्रदेशें च जारी ऐ। घरें-मकानें दी गिनतरी 16 अप्रैल थमै शुरू होइयै 15 मई तगर जारी रोहग। एहदा लक्ष्य व्यक्तिगत सतह पर उम्र, लिंग, व्यवसाय, साक्षरता ते जाति सरगंधी डेटा कठेरना ऐ।

<><><><><>

Homeopathy

आयुष मंत्री प्रताप जाधव होरें आखेआ जे होम्योपैथी छड़भू इक वैकल्पिक चिकित्सा पद्धति नेई ऐ, सगुआं करूणा ते प्रमाण पर आधारित इक विज्ञान ऐ। विश्व होम्योपैथी दिवस पर अज्ज नमीं दिल्ली दे विज्ञान भवन च जाधव होरें आखेआ जे होम्योपैथी दी लोकप्रियता बढ़ा करदी ऐ ते लोक होम्योपैथी दे इलाज गी मती तरजीह देआरदे ना। उनें देशवासिं गी मजबूत वैज्ञानिक दृष्टिकोण कन्नै अगगे बढने दा आग्रह कीता।

<><><><><>

SC-Caste Census

सर्वोच्च न्यायालय नै जाति जनगणना पर रोक लाने लेई केंद्र सरकार गी निर्देश देने दी मंग आली याचिका गी खारिज करी दित्ता ऐ। मुख न्यायाधीश न्यायमूर्ति सूर्याकांत, न्यायमूर्ति जॉय माल्या बागची ते न्यायमूर्ति विपुल एम. पंचौली दी पीठ नै याचिका खारिज कीती। एहूदे चा इक न्याये आले परोआरें गी आर्थिक प्रोत्साहन देने कन्नै सरबन्धत नीतियां बनाने लेई बी केंद्र गी निर्देश देने दी मंग कीती गेई ही। 2 फरवरी गी सर्वोच्च अदालत नै 2027 गी जनगणना च नागरिकें दे जातिगत आंकड़ें दे रिकार्ड, वर्गीकरण ते सत्यापन लेई अपनाई जाने आहली पद्धति पर कीते गेदे सोआल कन्नै जुडी दी इक जनहित याचिका पर बी सुनवाई थमां इंकार करी दित्ता हा।

<><><><><><>

Shah-WB Polls Manifesto

भारती जनता पार्टी दे वरिष्ठ नेता ते गृह मंत्री अमित शाह होरें अज्ज पच्छिम बंगाल विधानसभा चुनाव लेई पार्टी दा संकल्प पत्र जारी कीता। संकल्प पत्र च राज्य च सत्ता च औने दे 6 महीने दे अंदर 7में वेतन आयोग ते समान नागरिक संहिता यूसीसी गी लागू करने दा वायदा कीता गेआ ऐ। घोषाण पत्र जारी करदे होई श्री शाह होरें आखेआ जे जनता डर-त्राह ते निराश ऐ ते दिल कन्नै बदलाव चाहंदी ऐ। उनें आखेआ जे पिछले 10 बरें च भारती जनता पार्टी नै पच्छिम बंगाल च इक्क रचनात्मक विपक्ष दे रूपै च अपनी पंछान बनाईऐ ते अज्ज बीजेपी राज्य विधानसभा च प्रमुख विपक्षी दल दे रूपै च कम्म करारदी ऐ।

<><><><><><>

Justice Yaswant Resigns

इलाहाबाद उच्च न्यायालय दे न्यायाधीश यशवंत वर्मा होर अज्ज राष्ट्रपति द्रौपदी मुर्मू होरें गी अपना इस्तीफा सौंपी दित्ता। न्यायमूर्ति वर्मा हुंदे आवास थमां जले दे नोटें दे ढेर थ्योने दे बाद उन्दे खलाफ महाभियोग दी कार्यवाही चलारदी ऐ। पिछले बरे 14 मार्च गी नमीं दिल्ली स्थित उंदे आधिकारिक आवास थमां जले दे नोटें दा ढेर थ्योने दे बाद न्यायमूर्ति वर्मा होरें गी दिल्ली उच्च न्यायालय थमां इलाहाबाद उच्च न्यायालय थमां स्थानंतरित कीता गेआ हा।

<><><><><><>

VP-Constitution Sindhi

उपराष्ट्रपति सी.पी राधाकृष्णन होरें अज्ज नमीं दिल्ली च सिंधी भाशा च भारत दे संविधान दा नवीनतम संस्करण जारी कीता। इस मौके पर श्री राधाकृष्णन होरें आखेआ जे सिंधी सबनें शा प्राचीन ते मिट्टी भाशाएं चा इक ऐ। उनें आखेआ जे भारत दी स्वतंत्रता दे बाद पैहली बार देवनागरी लिपि च सिंधी संविधान दा संस्करण जारी कीता गेआ ऐ। उपराष्ट्रपति होरें आखेआ जे प्रधानमंत्री नरेंद्र मोदी होरें इस पवित्र दस्तावेज गी बक्ख-बक्ख भाशाएं च उपलब्ध कराने लेई विशेष प्रयास कीते ना। उनें आखेआ जे एहू यकीनी करने दी दिशा च इक्क महत्वपूर्ण कदम ऐ हे हर इक नागरिक भाशा दी परवाह कीते विजन देश दे आदर्श गी पूरी चाल्ली समझी सकै ते उंदे कन्नै जुडी सकै।

<><><><><><>

Chaparn Satyagrah

चम्पारण सत्याग्रह दी अज्ज 108मीं बरेगंड ऐ। महात्मा गांधी हुंदे नेतृत्व च देश दे स्वतंत्रता संग्राम दा एहू इक्क महत्वपूर्ण मोड हा। 1917 च इससै ध्याड़े बिहार दे चंपारण जिले च नील करसानें दी शकैतें गी दू करने लेई आंदोलन शुरू कीता गेआ हा जिनें ब्रिटिश बागान मालिकें आसेआ दमनकारी तिनकठिया प्रणाली तैहत नील दी खेती करने लेई मजबूर कीता गेआ हा। एहू देश च महात्मागांधी हुंदा सत्याग्रह दापैहला प्रयोग बी हा। मकामी करसान राज कुमार शुक्ला हुंदे अनथक प्रयासें दे फलस्वरूप महात्मागांधी होरें इस क्षेत्र दा दौरा कीता ते करसानें दी दुर्दशा दा बिस्तृत अध्ययन कीता। अंग्रेजें दे आदेश गी नेई मनदे होई उनें अहिंसक प्रतिरोध दे चलदे करसानें गी संगठित कीता ते उंदे दर्द गी राष्ट्रीय स्तर पर उजागर कीता।

<><><><><><>

India-US

भारत ते अमरीका पैक्स सिलिका दे तैहत सहयोग गी बदाने ते ए.आई ते महत्वपूर्ण खनिजें सने व्यापक आर्थिक ते तकनीकी समझौते गी अगगे बदाने पर सहमत होए ना। विदेश सचिव विक्रम मिसरी ते अमरीका दे आर्थिक मामलें दे विदेश उप सचिव जैकब एस. हेलबर्ग बश्कार होई दी चर्चा पर इनें विशें परविचार-विमर्श होआ। भारत नै

फरवरी च ए.आई इम्पैक्ट समिट दे दरान औपचारिक रूप कन्नै पैक्सलिसिका च शामिल होइयै अमरीका कन्नै ऐतिहासिक तकनीकी समझौता कीता ऐ।

<><><><><><>

EAM-Maurities

विदेश मंत्री डॉ. एस जयशंकर होरें आखेआ जे भारत, पच्छिम बंगाल संकट दे चलदे मारीशस दी उर्जा सुरक्षा गी सुदृढ़ करने लेई उंदे कन्नै तेल ते गैस दी आपूर्ति कन्नै जुड़े दे समझौते गी अखीरी रूप देआ'रदा ऐ। डॉ. जयशंकर होरें मारीशस दी राजधानी पोर्ट लुई च आखेआ जे पच्छिम एशिया च जारी संकट नै विशेष रूप कन्नै उर्जा दे खेत्तर च रणनीतिक भागीदारी दे महत्व गी उजागर कीता ऐ। उनें आखेआ जे भारत दा सार्वजनिक उद्यम देश दी पैहली तैरने आहली सौर बिजली परियोजना गी विकसित करारदा ऐ। पिछले बरे मार्च च प्रधानमंत्री नरेंद्र मोदी हुंदी मारीशस यात्रा दा जिक्र करदे होई उनें आखेआ जे दौनें देश दपक्खी सरबंघें गी बदाइयै रणनीतिक भागीदारी तोड़ी पजानेपर सहमत होए हे।

<><><><><><>

Foreign Secy. US Visit

विदेश सचिव विक्रम मिसरी होरें कल वाशिंगटन च अमरीका दी सुरक्षा एजेंसी एफ.बी.आई दे निदेशक कैश पटेल हुंदे कन्नै बैठक कीती। इस च आतंकवाद, सुनियोजित अपराध ते नशीले पदार्थे दी समस्या थमां निब्वडने च सहयोग पर चर्चा होई। अमरीका च भारती दूतावास नै सोशल मीडिया पोस्ट च इत्त सरबंघे च जानारी दिती। श्री मिसरी होर अमरीका दी त्रै दिनें दी यात्रा पर ना।

<><><><><><>

Isreal -Pak

इजरायल ने पाकिस्तान दे रक्षा मंत्री ख्वाजा आसिफ दिएं टिप्पणिएं दी सख्त निंदा कीती ऐ। इजरायल ने उन्दी टिप्पणिएं गी ऐतराज-जोग करार दिंदे होई पच्छिम एशिया च जारी तनोतनी च इक निरपक्ख मध्यस्थ दे तौर पर पाकिस्तान दी विश्वसनीयता पर सोआल पुट्टेआ। एह प्रतिक्रिया आसिफ दी सोशल मीडिया पर कीती गेदी विवाद आली टिप्पणी दे बाद आई ऐ। एहदे च आसिफ होरें इजरायल दी बड़ी मती निंदा कीती ते भड़काऊ ब्यान दिते जिंदी बड्डे स्तर पर नुक्ताचीनी कीती गेई। इजरायल दे बदेश मंत्री होरें बी इनें ब्यानें दी निंदिया करदे होई उनें'गी साफ तौर पर यहूदिएं दे खलाफ दस्सेआ।

<><><><><><>

IPL

IPL च अज्ज गुवाहाटी दे ACA स्टेडियम च रॉयल चैलेन्जर्स बेंगलूरु दा मुकाबला राजस्थान रॉयल्स कन्नै होग। मैच संजा साड्डे 7 बजे शा खेड्डेया जाहग। IPL क्रिकेट च लखनऊ सुपर ज्याइंटस ने कल रातीं कोलकाता दे इडन गार्डन च होए दे रोमांचक मुकाबले च कोलकाता नाइट राइडर्स गी 3 विकेटें कन्नै हराई दिता। कोलकाता नाइट राइडर्स आसेआ दिते गेदे 182 रन्जें दे लक्ष्य दा पिच्छा करदे होई लखनऊ नै 3 विकेटां बाकी रौहन्दे अखीरली गेंद च जित्त हासल करी लैती। मुकुल चौधरी ने 27 गेंदें च 54 ते आयुष बदोनी ने 34 गेंदें च 34 रन्ज बनाए ते लखनऊ दी जित्त च अहम भूमिका निभाई। मुकुल चौधरी गी मैन ऑफ द मैच चुनेया गेआ।

<><><><><><>

LG-Nasha Mukht Msg

लेफ्टिनेंट गवर्नर मनोज सिन्हा होरें केंद्र शासित प्रदेश दे बसनीकें गी नशामुक्त अभियान दे तैह्त इक संदेश जारी करदे होई उ'नेंगी अपील कीती ऐ जे ओह नशे दी कवैतू खलाफ इक-जुट होई जान ते जम्मू-कश्मीर गी नशामुक्त समाज बनाने च अपना जोगदान देन। अपने स्नेह च एल.जी होरें लोकें, खासकरियै नौजवानें गी गुजारश कीती ऐ जे ओह नशे कोला दूर रौहन् ते इक सेहतमंद ते प्रगतिशील समाज दे निर्माण दी दिशा च सक्रियता कन्नै अपनी भूमिका निभान। श्री सिन्हा होरें जोर देइयै आखेआ ऐ जे नशे दी लत परोआरें ते युवा पीढ़ी दे भविष्य लेई गंभीर खतरा पैदा करदी ऐ ते समाज दे सबनें तबकें गी लोड़चदा ऐ जे ओह इस कवैतू गी पूरी चाल्ली खत्म करने लेई सांझे तौर पर जत्त करन।

<><><><><><>

SMVDSB-Sports Stadium

आलमी सतह दे खेडू ढांचे गी बढावा देने दी अपनी बचनबद्धता गी फही पक्का करदे होई श्री माता वैश्वो देवी श्राइन बोर्ड परिसर कटडा दे इक होर खडारी नै शानदार उपलब्धि हासल कीती ऐ। श्राइन बोर्ड स्टेडियम थमां सिखलाई हासल उभरदी तीरंदाज, पायल नाग नै हाल च होई दी वर्ल्ड पैरा आर्चरी सीरीज दे फाइनल च सुन्ने दा तगमा जित्तियै इतिहास रची दित्ता। पायल नाग नै अपने पैहले सीनियर अंतरराष्ट्री मैच च दुनिया दी पैहले नम्बरै दी पैरा तीरंदाज शीतल देवी गी हराया। एह्दे कन्नै गै पायल दुनिया दी पैहली ऐसी दिव्यांग खडारी बनी गेदी ऐ जिन्नै दौनें हत्थें ते पैरें दे बगैर एह् उपलब्धि हासल कीती ऐ। पायल दी एह् कामयाबी सबनें आस्तै मिसाल ऐ ते दृढ निश्चय दा प्रतीक ऐ।

<><><><><><>